

Delegat Dragutin Rodić postavio je pitanje Ministarstvu vanjske trgovine i ekonomskih odnosa BiH, koje glasi:

Početkom 2012. godine inspektori Evropskog ureda za hranu i veterinarstvo posjetili su BiH i nakon inspekcijskog nadzora konstatirali da BiH i dalje ne ispunjava uslove za izvoz jaja i prerađevina od peradi u EU. Predmet nadzora inspektora Evropskog ureda za hranu i veterinarstvo bio je sistem funkcioniranja sektora peradarstva, počevši od klaonica peradi pa sve do nadležnih ministarstava. Nakon obavljenog pregleda ukazali su na značajne manjkavosti u poštivanju evropskih normi u tom sektoru. Mislim da je ovo grana prerađivačke industrije gdje BiH ispunjavanjem uslova može zaposliti znatan broj radnika, smanjiti vanjskotrgovinski deficit izvozom ovih proizvoda u EU. Da li je u 2012. godini išta urađeno na realizaciji preporuka Evropskog ureda za hranu i veterinarstvo i kad bi moglo doći do ponovnog inspekcijskog nadzora u vezi s ispunjavanjem uslova, te omogućavanjem izvoza ovih proizvoda u zemlje EU?